

Апостол 24.11.2024

Б: Мир всем.

Я: И духови твоему.

Б: Премудрость.

Я: Прокимен глас 5: Ты, Господи, сохраниши ны / и соблюдеши ны от рода сего и во век.

Хор: Ты, Господи, сохраниши ны

Я: Спаси мя, Господи, яко оскуде преподобный.

Хор: Ты, Господи, сохраниши ны

Я: Ин Прокимен, глас 4:

Я: Святым, иже суть на земли Его, / удиви Господь вся хотения Своя в них.

Хор: Святым, иже суть на земли Его

Б: Премудрость.

Я: к галатом послание святого Апостола Павла чтение.

Б: Вонмем

Братие, видите колицеми книгами писах вам моею рукою. Елицы хотят хвалитися по плоти,

сии нудят вы обрезатися, точию да не креста ради Христова гоними будут. Ни бо обрезающиися сами закон хранят, но хотят вам обрехватися, да в вашей плоти похвалятся. Мне же да не будет хвалитися, токмо о Кресте Господа нашего Иисуса Христа, имже мне мир распяся, и аз миру. О Христе бо Иисусе ни обрехвание что может, ни необрехвание, но нова тварь. И елицы правилом сим жительствоуют, мир на них и милость, и на Израили Божи. Прочее, труды да никтоже ми дает: аз бо язвы Господа Иисуса на теле моем ношу. Благодать Господа нашего Иисуса Христа со духом вашим, братие. Аминь. *(Гал 6:11–18, зач. 215)

Братие, возмогайте о Господе и в державе крепости Его, облецытеся во вся оружия Божия, яко возмощи вам стати противу кознем диавольским, яко несть наша брань к крови и плоти, но к началом и ко властем и к миродержителем тмы века сего, к духовом злобы поднебесным. Сего ради приимите вся оружия Божия, да возможете противитися в день лют и вся содеявшие стати. Станите убо препоясани

чресла ваша истиною, и оболкшесь в броня правды, и обувше нозе во уготование благовествования мира, над всеми же восприимше щит веры, в немже возможете вся стрелы лукаваго разжженныя угасити. И шлем спасения восприимите, и мечь духовный, иже есть Глагол Божий.

***(Еф 6:10–17, зач. 233)**

Братие, повинуйтеся наставником вашим и покаяйтесь, тии бо бдят о душах ваших, яко слово воздати хотяще, да с радостию сие творят, а не воздыхающе, несть бо полезно вам сие. Молитесь о нас, уповаем бо, яко добру совесть имамы, во всем, добре хотяще жити. Лишше же молю, сие творите, да вскоре устроюся вам. Бог же мира, возведый из мертвых Пастыря овцам великаго, кровию завета вечнаго, Господа нашего Иисуса Христа, да совершит вы во всяком деле блазе, сотворити волю Его, творя в вас благоугодное пред Ним, Иисус Христом. Ему же слава во веки веков. Аминь. ***(Евр 13:17–21, зач. 335)**

Б: Мир ти.

Я: И духови твоему.

Б: Премудрость.

Я: Аллилуиа глас 5

Я: Милости Твоя, Господи, во век воспою, в род и род возведу истину Твою усты моими.

Хор: Аллилуиа 3 раза

Я: Зане рекл еси: во век милость созиждется, на небесех уготовится истина Твоя.

Хор: Аллилуиа 3 раза

Я: Возваша праведнии, и Господь услыша их, и от всех скорбей их избави их.

Хор: Аллилуиа 3 раза